

佛燈禪師語錄 上

20

			二 四	和
			九	書
		一 六	八	門
		三 七	四	類
三	二	一		
册	架	函	號	

庫	文	閣	內	
九	二			和
三	四			書
函	九			
一	三			
六	四			
架	册			
				類

內閣文庫	
番號	和 24994
冊數	3 (1)
函號	193 420

釋家
一
三



道本
無言

至道本乎無言夫言
者載道之器也形乎
言至道漓矣道固不

道本

無言

淺草文庫

佛登録書

可以言傳然非言無以
顯道是以佛祖不得
已而言聖賢不得已而

述也海東佛燈國師
約翁和尚早振起方之
錫來東南登宋季子諸

老之門潛鞭密鍊期
證悟而後已迨歸故
國

王臣尊禮七董雄席
一香為蘭溪供溪為
松源三世本天者葉


佛言錄序
必茂源深者流必長
良有以夫其徒元旨
出所說法一編經正

而不乖其宗簡要而
不流於俗誠令之光明
幢也余雖不識其人然

視其語要知其具正
 賜而達法源底也故題
 其篇首

宣授任持廬山園通
 崇勝力禪寺佛日普
 照竺田禪師悟心

此列田家... 印家... 音



佛法遍在一切處
一切處無不是佛
法豈有山海而結

洞蒲家松源老祖
一枝佛法流入东
昧身洲一傳無嗣

再傳蘭溪三傳
約翁、既得蘭
溪不傳之妙由是

入陟通遊儲大老
之門復理再叅故
事室中應巽三

昧便有起佛越祖
之禪七坐名山王
臣尊教令行東海

龍象景從何其
威歎其徒元壽
藏主出示七會錄

其說法也如雲行
雨施三草二木均
被其澤其出處


也如景星鳳凰莫
不挾覩爭先其
臨死生之際超

獨脫光明烜赫
真不忝為松源
直下兒孫閱是

錄者嘗知正法眼
 藏有在天曆二年
 己巳冬吳興道場

月江正印敬序





佛燈國師約翁和尚開山相州長勝禪寺語錄

侍者

德景

編次

師於永仁四年三月二十七日在建長者座廢受請
二十九日訖西來菴拈衣云七佛出於摩訶衍之下
黃梅半夜付授何曾古今無異路懷抱自分明且道
以何為驗拈衣便披

堂頭葦航和尚引座畢師遂陞座祝

聖罷訖座乃云法無定相遇緣即宗孤峰頂上目視
雲霄豈有衆生可度十字街頭和泥合水曾無諸佛
可吞大用全機不存毫髮杓柄長短一不相瞞山僧
事不獲已未免拆半裂三去也良久云阿呵呵好大

哥復舉法燈和尚示衆云本欲深藏巖竇隱遁過時爲清涼老人有未了底公案不兌出來爲伊了却師拈云法燈可謂作賊人心虛儉上座先師本無不了底公案回甚也出來應世有條攀條無條攀例入院指山門云我此一門洞無閉鑰掉臂徑來過那邊著

佛殿燒香了提坐具云燒香作禮借水畝華何也地無朱砂

擡室橫按拄杖云盡大地人性命落在長勝手裏還有轉得身吐得氣底麼卓在杖

府帖風行草偃水到渠成一字不著畫公驗自分明

山門疏封疆坐斷在我自由一句道著頑石點頭

法座口似血盆牙如劍樹一步高升虛空粉碎

陞座祝

聖罷次拈香云嗅著則痛心裂膽拈起則炙地熏天

三十餘年有屈難雪熱向爐中奉爲

建長開山勅謚大覺禪師蘭溪大和尚用酬法乳之

恩竈座乃云即心即佛水流元在海非心非佛月

落不離天不是心不是佛不是物拈起鐵蒺藜擊碎

精靈窟與麼與麼萬里匡州不與麼不與麼匡州萬

里所以道有佛處不得住泥捏夜叉鐵面且無佛處

急走過子胡痛打劉鐵磨雖然如是事無一向只如

我此本寺大檀那當法光寺殿遠忌之辰知恩報恩
一句如何舉似彈指圓成八萬門一超直入如來地
復舉世尊指一片地云此地宜建梵刹時有賢干長
者挿一莖草云建梵刹竟新長勝聊資一偈賢干挿
草喜相諳齧鏃機先落二三何似檀那弘願力一彈
指頃建精藍

祖堂奉安圓通大士像綠暗紅稀宿雨晴圓通門戶
不曾扃從茲入得三摩地猶較迢迢十萬程共惟救
世大士觀自在菩薩大悲普護妙應奚窮千江一月
無私照刹刹分形到海東六十餘州均攝化三十二
應總圓通有女丈夫心水淨随心影現紫金容即相

求真嚴像設奉安永鎮祖堂中今正是時有何祥瑞

浩浩波瀾弘願海依依楊柳鼓慈風

圓通大士起座觀音妙智力大地撮來黑漆黑能救
世間苦八臂夜叉擎鐵柱便恁麼去未稱全提轉位
明切始為極則地隣海島震潮音舉步清風生八極
普賢大士點眼并安座現生淨妙莊嚴國來築灵山
護法城方行海中砥柱固三摩地上寶珠明共惟普
賢大士有二千酬瀉瓶水滌除群生六情根全得無
上大法印遊涅槃海達本源回此廣大利濟心法界
同入普賢門願乞菩薩住此地伽藍繁興永劫存爰
有大力量底漢要為大士開光明開光明見吉祥慈

眸遠照無邊表不離本位化十方
 入幡大菩薩起座昭昭隨處顯威靈願轂駟馳不暫
 停顯正權邪施妙手扶桑曉日麗天明共惟正直聰
 明入幡大菩薩施仁恩煦育万物推聖化拯濟群生
 神功莫測聖德難名屹擎天之柱石築護國之杆城
 直得板圖遠奏海岳晏清金輪丕固玉葉芳騰金湯
 佛法則群魔殄息翊衛精藍則四眾安寧即今轉位
 就功以何為驗人天步步隨高躅仙仗飄飄擁去程
 長勝語錄終

相州葛西山東勝禪寺語錄

侍者

可禪

編次

踞室橫按拄杖云向上全提鐵壁鐵壁擬議不來晴
 天霹靂卓拄杖一下

拈帖一期拈起號令斬新全殺全活無疎無親
 陞座祝

聖罷就座乃云春日暖春風和柳綠花紅頭頭物物
 皮下有血底無處不真眼裏無筋人山長水遠所以
 携手毗盧樓閣未為實叅回首荒草步頭始為真證
 與麼會去荆棘叅天不與麼會疾藜遍地總不與麼
 時又且如何擊拂云毗婆尸佛早留心直至如今不

得妙。復舉法眼禪師示衆云。虎領下鈴。何人解得。衆下語皆不契。時法燈禪師適從外歸。聽得此話。下語云。繫者解得。法眼對衆稱之。師拈云。法眼父子騎虎頭。據虎尾。只知其一。不知其二。今日有人問新東。勝虎領下鈴。何人解得。只向他道。騎虎者解得。且道。與古人是同是別。具眼者辨取。

相州福源山禪興禪寺語錄

侍者

元用

編次

佛殿。你不識我。我不識你。驀劄相逢。齊之以禮。

擬室。妙用縱橫。十方坐斷。饒你臨濟。德山到此也。須

納疑。喝一喝。

府帖。最初句末後句。總在裏許。諸人若也未知。塞却

耳根。分明聽取。

法座。行說俱到。方坐此座。踏步向前。放過不可

墜座。祝

聖罷。就座索話。千說萬說。不如一決。莫有靈利底麼。出來一決。乃曰。機不離位。墮在毒海。智不到處。切

佛說金上
六
忌道著錢不露陌銀不露白所以道言前薦得已涉
廉纖句下精通厓州萬里全體與麼來全體與麼住
無無不是箇箇歸源法隨法行法幢隨處建立正與
麼時如何是建立底法幢擊拂子云青山不鎖長飛
勢滄海合知來處高

上堂朝念念暮念念寒山子街頭街尾木牯牛溪西
溪東全非全是全放全收錯將魯夫子喚作東家丘
休休人情好處是無求

解夏小參四月十五淨妙結制劃地爲牢七月十五
禪興解開囊錐脫穎圓覺伽藍無住而住平等性智
不然而然處處選佛場開人人心空及第便與麼去

也是豁定死虵喚作活蝎前途忽有人問出門便是
草你作麼生對他若也開口不得莫道在禪興過夏
何故不入虎穴爭得虎子

次日上堂三箇月內同死同生九十日中全殺全活
閉門造車出門合轍今朝限滿且道尅期取證以何
爲驗林鳩砧井底種林擒今年桃李貴一顆直千金
上堂事同一家千羌萬別喚鐘作甕證龜作鱉釣漁
船上謝三郎築破脚指流出血卓拄杖下座
上堂十五日以前疥狗不願生天十五日以後猷郎
只坐爐邊正當十五日直得天左轉地右旋坐一走
七十萬八千富貴不因多使錢

除夜小參。歲盡年窮。擊木杖痕。君莫擬。新來舊去。釘
空槌。榘我休論過去也。如是。現在也。如是。未來也。如
是。三世熾然。曾無彼此。所以曹源一滴水。鼓起滔天
之波。福源萬仞峯。突出摩空之勢。於此見得分明。應
時納祐。慶快平生。爲甚黃梅石女生。下嬰兒。陝府鍊
牛殷懃拜賀。擊拂子云。野橋無限春消息。不在梅梢
卽柳條。復舉南泉上堂。有僧方欲進問。泉云。波婆
之句。流布人間。僧云。和尚。擲泉咄之。師拈云。者僧入
虎穴。攫虎子。南泉盡力彌縫。不知手脚俱露。禪興則
不然。有人進問。劈脊便棒。何也。重賞之下。必有勇夫。
佛誕生上堂。母胎終出。便生獰。一鎔渾鋼鑄不成。換

面改頭。知幾幾。回它閑事。長無明。入元。二更。日
上堂。舉藥山久不上堂。寺主白云。大衆久思和尚示
誨。山云。打鐘著衆。纔集山。便歸方丈。寺主隨後白云。
和尚許爲衆說法。回甚一言不措。山云。經有經師論
有論師。爭怪得老僧。師頌曰。武陵溪畔路迂回。萬樹
桃華夾岸開。咫尺僊凡天地遠。滿身風露又歸來。
解夏小參。九旬禁足。癩馬繫枯椿。三月安居。黑牛臥
死水。不動一步。踢翻圓覺伽藍。不勞彈指圓成平等
性。智又誰管。東土鍊彈西天蠍人。萬里無寸草。出門
便是草。手執夜明符。幾箇知天曉。喝一喝云。我向你
道不得草草。復舉雲門問僧。初秋夏末。不觸平常。

道得一句來。僧無語。雲門代云。初三十一中九下七。師頌曰。潦倒韶陽出語端。鎊光射斗牛寒。棘門霸土如兒戲。細柳營關透者難。

三月半上堂。靈雲悟桃華。臨崖看澗眼。玄沙道未徹。特地一場愁。禪興與麼批判。還有不肯底麼。擊拂子云。相逢不下馬。各自有前程。

上堂。古者道但盡凡情。別無聖解。凡情則不問。喚甚麼作聖解。卓拄杖云。自携瓶去沽村酒。却著衫來作主人。

解夏上堂。結無所結。解無所解。九十日中。自買自賣。若也言薦賞勞。畢竟功歸何所。良久云。昨夜三更日。

卓午

上堂。達磨不來東土。二祖不往西天。兩箇五百文。元是一貫錢。若也不會。西天此土。十萬八千。

冬至小參。向上一機。竹針麻線。衲僧巴鼻。土塊泥團。臨濟德山。喚鐘作甕。天下老漢。認奴爲郎。直得天寒地凍。木落山空。只知煖處商量。不解赤身擔荷。驀拈拄杖云。禪興拄杖子。恐俊不禁。出來道箇。畧運推移。日南長至。天清地寧。風雨以時。道則道了也。終不免世諦流布。今夜大衆雲臻。又如何區處。靠拄杖云。此去寒食一百五。

謝三頭首秉拂上堂。三人頭首各有一說。過去說現。

在說未來說三世熾然說說則不無且道那一說又作麼生良久云我師大沙門常作如是說元霄上堂盡大地是光明種子起心則差動念則錯如何得相應去也擊拂子箇箇男兒是丈夫釋迦不受燃燈記

佛涅槃上堂諸佛未曾生諸佛未曾滅何事老瞿曇有生復有滅忽拈拄杖云且道今日是滅不滅卓拄杖云柳綠華紅二月春到窻昨夜三更月結夏小叅拈拄杖云若向者裏脫盡根塵十方虛空冰消瓦解了無諸法迥絕名模四聖六凡掃蹤滅跡說甚平等性智圓覺伽藍犬似畫餅充飢按圖索馬

三箇月與麼安居九十日與麼禁足青山只解磨今古流水何曾洗是非雖然更須寶惜自己蠟人始得卓拄杖下座復舉五祖演和尚上堂云永嘉道取不得捨不得不可得中只麼得又祖師道不是心不是佛不是物大衆且道是箇什麼乃云到江吳地盡隔岸越山多師拈云三大老舌不出口各打鄉談檢點將來鉤在不疑之地禪興恁麼批判可謂一狀領過衆中還有不肖底麼試出道看結夏上堂牢關把定木牯牛露地安眠線路放開胡孫子掣斷金索禪興固是方便多門只要諸人識得識得後如何擊拂子云知恩者少負恩者多

謝兩頭首秉拂上堂。結夏已過十五日了。那一事又作麼生。我兩頭首已向拂子頭上。分明與諸人說了也。且道如何。是那一事。良久云。簷聲不斷。前旬雨。電影猶連。後夜雷。

上堂。塵塵。刹刹。築著。磕著。無是不是。因甚。游魚以水爲命。却迷於水。良久云。只爲全身在水。佛成道上堂。六年雪嶺受飢寒。大道明明作麼看。若謂見星方悟去。謾人猶可自謾難。咄。施主薦福請陞座。生死交謝。寒暑迭遷。有物流動。人之常情。超出常情。生死永絕。所以道妙性圓明。離諸名相。本來無有。世界衆生。因妄有生。因生有滅。生滅

各妄。滅妄各真。黃面老子。一一與諸人。劈腹剜心。解說了也。若向未啓口已前。會得。許你超出常情。永絕生死。不然。平蕪盡處。是青山。行人更在青山外。解夏上堂。七月正當十五。斷耳草鞋。起舞出門。便是草連天。如何通得長安路。大衆且那裏。是長安路。以拂子指云。烏那青青。照照處。

門人爲樵谷和尚。請拈香。息爲根本。知息必報。義爲枝葉。見義勇爲。一瓣材珍。千金價重。拈來熟向爐中。熏透。遼天鼻孔。某人昔年。搜透。嵩松關。太白峯頭。識別山。藏裏。摩尼親拾得。輝天鑑地。夜光寒。四十餘載。各翼橫飛。六十餘州。雷駟電馳。兩鎮名藍。弘大法。縱

汀月渚來還去未遇金鱗不肯休莫有不貪香餌底
麼問答不錄乃云靈山密付赤眼撞着火柴頭火室單傳
焦埽打着連底凍直得大機圓應大用現前正按旁
提雷馳電卷他方此界人人設陷虎之機箇箇展羅
龍之手儉上座一平生奔波天涯海角識得夜暗晝
明於本參事未有少分相應今對人天衆前了無施
設未免略借現成受用底舉似大衆拈拄杖卓一下
云扶過斷橋水伴歸無月村
逢磨忌上堂木落山骨瘦天空霜月自誰謂老臊胡
隻履返西域火室庭前雪未消又是一番寒徹骨
謝兩班侍者并淨頭上堂接倒長庚峰踢翻香積國

百家子史解說不行一大藏教詮註不及若是鹽醬
不少底賓主歷然底總未有些屎氣熏人在何也國
師三喚侍者與化痛打克賓

謝維那上堂從上佛祖開口道不得底句總被維那
一槌擊碎燈籠掩耳不及露柱膽戰魂驚德山臨濟
飲氣吞聲且道是什麼一句良久云鼓作鼓響鐘作
鐘鳴

上堂舉僧問香林如何是衲衣下事林曰臘月火燒
山師頌云衲衣下事千斤重會得分明隔鐵關架上
青氈元只在年年臘月火燒山
上堂拈拄杖云十五日以前喚作拄杖子則觸十五

佛火金一
十一
日以後不喚作拄杖子則背。正當十五日喚作拄杖子則是不喚作拄杖子則是召大衆云。若也道得出身句許你具叅學眼。其或未然臘月天寒歸堂向火佛生日上堂舉釋迦老子指天指地云。天上天下唯我獨尊。雲門大師云。我當時若見一棒打殺與狗子喫貴圖天下太平。師云。釋迦老子。呱地一聲。干戈徧地。雲門大師固是忠則盡義。其奈助桀爲虐。若到淨妙門下。各與三十棒。何故。當斷不斷。返招其亂。上堂舉曹山曰。僧問。世界恁麼熱。向甚麼處回避。山云。鑊湯爐炭裏回避去。僧云。鑊湯爐炭裏作麼生回避。山云。衆苦不能到。師頌曰。風清露冷非人世。獨立

欄干到夕陽。誰管是秦。并是漢。華開葉落任青黃。解夏上堂。卓拄杖一下云。九日月中。突出難辨。三箇月內。尋覓不見。又卓一下云。西風一陣來。落葉兩三片。上堂舉僧問古德。如何是學人自己。德云。是爾自己。師頌曰。重陽過了。客思家。更問行人識得麼。高舉鐵鞭。遙指點。鄉關依舊隔天涯。至節上堂。看不破海壇馬子。似驢大。擊不開鍾馗小妹。舞三臺。不隨寒暑變遷。不逐陰陽消長。輝騰古今。露堂堂。覆載乾坤活卓卓。且道是什麼物。得恁麼奇特。卓拄杖一下云。一把柳絲收不得。和風搭在玉欄

干
歲旦上堂拈拄杖劃一劃云。十萬里來不會者箇六
年冷坐不識者箇只者箇是什麼卓拄杖云。正月初
一。萬事皆吉
元宵上堂。年年正月半。斷斷元宵節。奇哉燃燈如來。
住世未曾入滅。放光除暗冥。廣度諸羣生。諸人還見
麼。若也見得去。木上青青草。元來是浮萍。
上堂崑山片玉可絕瑕類。大冶精金應無變色。衲僧
行處滴水冰生。臨濟德山退身吐舌。何故。卞璧本無
瑕。相如誑秦王。擊禪牀下座。
上堂見聞覺知非一一。山河大地鏡中現。一回打破

明鏡臺。任他神頭與鬼面。拈拄杖云。雖然如是。禹力
不到處。回甚河聲流向西。卓拄杖一下。
佛誕生上堂。瞿曇生也不道。無雲生嶺上。瞿曇滅也
不道。有月落波心。畢竟作麼生。鴛鴦繡出任君看。未
把金針度與人。

結夏上堂。布袋頭一結。萬里一條鐵。未透祖師關。奈
何露醜拙。無醜拙得休歇。年年謝豹華。開遍孟夏月
上堂。古鏡闊一丈。世界闊一丈。衲僧鉢盂闊多少。但
知孟夏漸熱。喫茶珍重。歇擊禪床下座。
端午上堂。一莖草上有殺有活。文殊善財。眼正手親。
十字街頭。無今無古。伶俐衲僧。露影藏身。一觀觀通。

黃粟粽何曾粘牙脫或未然赤豆飯一盃是沙唾記
取記取

上堂衲僧門下這些子寒時寒殺闍黎熱時熱殺闍
黎不寒不熱時如何不干別人事闍黎須自知

上堂年年六月一。一夏過半畢。胡孫木牯兒。依舊自
奔逸莫奔逸。有箇術。夜夢不善門書大吉

解夏小叅突出難辨。當處現成。摸索不著。直下分明。
一連連得慶快平生。回首轉腦還涉途程。淨妙一衆

人人鼻孔遼天。箇箇脚踏實地。初秋夏未。東去西去。
誰敢被拄杖草鞋侮謾。雖然九夏賞勞。一句作麼生。

切忌話墮。復舉。汾陽問首山。百丈捲席意旨如何。

山云。龍袖拂開全體現。陽云。師意如何。山云。象王行

處絕狐蹤。陽云。萬古碧潭空界月。再三撈拈始應知。

師拈云。首山大開東閣。要接高賓。汾陽揖讓進止。能
應其節。古人且置。而今莫有全鋒勝。歛底麼。顧視左

右云。吽吽

上堂風吹秋葉索索。雨過秋山濯濯。遍界不曾藏。何
處更疑惑。莫疑惑。麒麟只有一隻角。卓拄杖下座。

上堂呈露自己權衡。照耀自己威光。釋迦彌勒常隨
它背後。臨濟德山所額相望。啞是誰分上事。相逢只
說三分話。未必全拋一片心。

猶三令訪未必全錄一廿公
 亦昔分編新野山湖勝林望極
 正室是謂言口斷斷然無礙自
 此其後想莫莫與想地總共香
 正堂風知地葉葉茶茶雨聲林
 亦云抄抄
 斯其後昔人且置而今莫會公
 响林云首山大開東開要妙有
 與脈脈猶謂定為古餘時空界
 山云游時林開全覽既以云响
 意中時山云來五

平安城東山建仁禪寺語錄

侍者 元規 曇始 編次

德治改元臘月三十日入院

指三門云。山高木急。門路坦平。一步是一步。會不涉途程。

佛殿佛真法身。却較些子。應物現形。不是不是。展坐具。

府帖些子藥頭靈。東賣又西賣。既得公驗。分明不是神奇鬼恠。

山門疏。萬別千差。事同一家。既是自家屋裏。何須撒土拋沙。

江湖疏人相忘於道術魚相忘於江湖知我罪我其
唯春秋乎

法座此座高廣坐底是誰卽今新建仁嚙驟步云只
要大家知

陞座拈香云此一瓣香熟向爐中端爲祝延
今上皇帝聖躬萬歲萬歲萬萬歲

皇帝陛下恭願道邁堯舜懸日月於域中德超羲軒
握乾坤於掌上

次拈香云深藏懷裏多年元是西蜀道地幾度被人
探尋漏泄些子香氣熟向爐中供養

建長開山後任當山勅謚大覺禪師大和尚用酬法

乳之恩

歛衣就座禪錄乃云遠別東州千里山川滿身風雪

竭來上國十萬人家和氣霽然去來不以心法身主
頭頭不昧動靜不以象毘盧師物物全彰初非量外

玄機不是環中妙用釋迦腦蓋瑠璃殼達磨眼睛魚
目珠我此王舍城中盡是嫌佛不做底儉上座到此

合作麼生施設得順時宜卓柱杖云有利無利不離
行市

佛涅槃上堂華發殷紅柳弄黃萬般好景屬韶陽瞿
曇滅度何曾滅羸得波旬舞袖長

三月半上堂萬樹殘紅已落華滿堤楊柳欲藏鴉盡

道一年春事畢。眼裏如何著得沙。拈拄杖劃一劃云。劃斷了也。還會麼。人在畫樓沽酒處。相邀來喫趙州茶。

上堂。三春昨日終。九夏今朝始。人人頭頂天。箇箇足踏地。鉢裏飯。桶裏水。阿誰不知。阿誰不委。爲甚纔聽鼓聲。簇簇上來。喝一喝云。謗斯經。故獲罪。如是佛誕生上堂。一聲吽地。捐願稱尊。掀翻海岳。檢亂乾坤。韶陽打一棒。忠則盡命。建仁三杓水。孝當竭力。大衆且道。韶陽底是建仁。底是擊拂子云。休嫌貧徹骨。錢出急家門。結夏小參。圓覺伽藍。就模脫。整平等性。智借水。獻華。

禁足護生。尅期取證。何樓漆器。古老破錢。獨步大方。高超三界。途路之樂。未是到家。若是伶俐衲僧。自有通天活路。九十月。中如何履踐。良久云。只在此山中。雲深不知處。

上堂。十五日以前。風不鳴條。十五日以後。雨不破塊。好箇太平時節。正當十五日。又且如何。委悉達磨面壁雲門念七。

上堂。拈拄杖云。見者暗。卓拄杖云。聞者聾。四方透脫。八面玲瓏。靠拄杖云。善財一去無消息。樓閣門前長綠苔。

上堂。爍石流金。六月天。鐵牛背上汗漣漣。勸君別起。

眉毛看那箇師僧坐火邊

回衆僧病上堂。人間四百四病。病病有藥可醫。唯有衲僧攢簇不得底病。不在膏之上。盲之下。藥石所不及。盧扁莫能知。比來諸人臥病。幸喜山僧有箇經驗秘方。療治平復了也。病去藥除。對衆說出萬法同歸。散一心不生湯。卓拄杖云。更須忌口始得上堂。欲識佛性義。當觀時節目。緣霜月照砌沙。西風動林樾。時節目緣則固。是作麼生。是佛性義。啜茶濕却紫洗面。模著鼻。

上堂。天寒人寒。總在者裏。烏張三黑李四。上是天下是地。拈拄杖云。畢竟者箇是甚麼。靠拄杖云。我喚作

火你不得喚作火

上堂。一法若有毘盧墮在。凡夫萬法若無。普賢失其境界。是則是針頭削鐵。鷲股割肉。泥多佛大。水長船高。建仁門下。合作如何。剖判功德。天黑暗女。有智主人。二俱不是。

除夜小叅黃面老。三百會說明修棧道。碧眼胡九年。冷坐暗度陳倉。引得後代兒孫。或展三玄。戈甲。或列五位。君臣。喝似雷奔。棒如雨點。檢點將來。總是太平。奸賊亂世。英雄殊不知。日日是好日。時時是好時。這到結尾交頭。至竟不違畧刻。今夜分歲。無可與諸人作箇鬧。執若烹露地白牛。又是古人用過了。祭鬼神。

茶飯正與麼時如何則是良久云人情若好飲水也
肥
三月且上堂舉靈雲見桃華悟道頌三十年來尋劍
客着甚死急幾回葉落又抽枝將謂別有自從一見
桃華後飢不擇食豈至如今更不疑我未之信約翁
恁麼批判還有不肯底麼出來為靈雲出氣
上堂日月如跳丸光陰似流水千山積雪未曾消三
月暮春看又至試問諸人作麼生是不遷底義擊拂
子云悉咧蘇嚕蘇嚕噫哩
浴佛上堂藥山道你只浴得者箇還浴得那箇麼左
邊是香爐右邊是花瓶作麼生是那箇無限遠山描

不得喬松脩竹自蕭蕭

結夏小叅無蹤跡處世界崢嶸有朕兆時虛空逼塞
喚作圓覺伽藍則錯喚作平等性智則差人人稟逆
格風規箇箇具天然氣槩夜寢晝食但只恁麼過鋤
畚種粟有甚閑工夫自然居安資深功成行滿一夏
九十日日日東生青絹扇子足風涼復舉未明
潛禪師回僧問達磨西來傳箇什麼潛云傳箇冊子
僧云恁麼則心外有法也潛云心內也無師拈云心
內心外有法無法置之不問且道冊子裏傳箇什麼
擊拂子
結夏上堂十五日已前毘盧樓閣十方通暢十五日

已後普賢門戶八面玲瓏。正當十五日。布袋頭一結。結定密不通風。未審諸人向什麼處出氣。良久云。他家自有通霄路。不向如來行處行。
端午上堂。門懸艾。帛爲消災。引得閑神野鬼來。唯有衲僧無箇事。笑看鐵錫舞三臺。
上堂。衆生爲解碍。菩薩未離覺。魚行木濁。鳥飛毛落。勸君一生莫落魄。常在長安有何樂。喝一喝。
謝首座上堂。峻人喫痛棒。借手行拳。棒鉢坐師位。凌人以勢。古人是與麼。建仁則不然。法逐人與物。隨人貴。但得板頭有人。自然滿堂和氣。
上堂。舉九峯仙禪師曰。僧問。如何是祖師西來意。仙

云。有力者負之。而趨師頌曰。擲鉤千尺在深潭。稱意金鱗得也難。幾度鳴榔空自去。滿船風雪逼人寒。
解夏上堂。九十日內。將無絲線漫天網。子籠罩諸人。今朝快便難逢。爲汝一劃劃斷。拈拄杖。劃一劃云。若聖若凡。從者裏去。去則任去。前途忽有人問極則事。如何對他咬定牙關。只恁麼舉。卓拄杖下座。
開爐上堂。建仁隨例開爐。星兒火種也無。拈起死柴。吹得著。通身烘暖。背廬都南方無賓主。話許你促膝。商量深撥淺撥。切忌燎却面門。
上堂。月生一上下。四維無等匹。月生二八角磨盤走。空裏月生三三世。諸佛競頭參。只此三轉語。建仁與

一不言金
麼點出還勝得諸方五味禪麼下座巡堂喫茶
上堂冷冰冰地煖烘烘煖烘烘地冷冰冰就中消息
個儻分明未審諸人還會也無不見道寒時寒殺闍
梨熱時熱殺闍梨

冬至上堂威音王前空却那時有一著子便與麼承
當得去猶是隔海望新羅衲僧家人人鼻孔遼天箇
箇脚跟踏地不逐陰陽消長不隨四序變遷慈明揭
榜堂前洞山撥退菓卓曹溪路上不許俗談應時獨
脫底一句作麼生道鷲鷲立雪非同色明月蘆花不
似他復舉可大師告初祖云我心未寧乞師與安
祖曰將心來與汝安可云覓心了不可得祖曰我與

汝安心竟師拈云大平貴乎無象至化貴乎無形覓
心安心大似起干戈於堯舜之世何也寧可截舌不
犯國諱

回城裏火發上堂隔山見煙便知是火隔牆見角便
知是牛總是諸人本有大光明藏不隔絲毫回甚憐
不知有擊拂子云只爲分明極翻令所得遲

上堂者裏風頭稍硬且歸煖處商量古人與麼膽戰
心驚傷塩費醬建仁則不然風頭硬處正好商量張
三臂短李四脰長不比諸方孟八郎

除夜小叅法位何曾有變遷法隨法住不論年年窮
歲盡從頭說大勝諸方五味禪所以道年年是好年

阿難長在世尊前日日是好日。眼裏瞳人吹鬢栗靈鷲真規頭頭不昧。少林素範歷歷全彰。直得山翁鼓舞野老謳歌。發揮却外風光。靄作一天和氣。正與麼時。温故知新一句。作麼生道。擊拂子云。舊歲今宵盡。新年明日來。復舉曹山。回有僧問云。雪覆千山。回甚孤峯。不自。山云。異中有異。師拈云。大小曹山。坐在明白裏。建仁則不然。忽有人問。雪覆千山。回甚孤峯。不自。只向他道。具眼者辨取。

結夏小叅。奔流度夏。佛祖猶迷。疾焰過風。衲僧罔措。空索索地。迥絕安排。露堂堂時。文不加點。本來平等。性智現成。圓覺伽藍。如是安居。居無不安。如是禁足。

足無不禁。便恁麼去。十萬八千。格外全提。作麼生道。擊拂子云。巨靈擡手。無多子。分破華山。千萬重。復舉瀉山。示衆云。今時人。但直下會取。不會底。正是你佛。正是你心。若向外求。一智一解。將爲禪道。且沒交涉。各運糞入。不名運糞。出汚你心田。所以不是道。師拈曰。瀉山恁麼道。大似按牛頭喫草。笑殺傍觀。縱使會得。不會底。正是髑髏前光影。有甚好處。山僧尋常道。不會最親切。還有過也無。結夏上堂。拈拄杖云。山僧拄杖子。開封多時了也。未曾打著一箇半箇。卓拄杖一下。者裏會得許你。修寂滅行。成就慧身。其如未然。靠拄杖云。切忌動著。動著。

卽禍生

定光菴塑鏡堂和尚請點眼破沙盆子重千鈞。一臂
高提三十春。驀地掀翻百雜碎。嘉州大像淚沾巾。共
惟某人梓潼龍頷。曾探驪珠。長庚雷跑。再窮源委。透
過萬松關。拶到五峯頂。人天推轂。遠跨重溟。緇素仰
風坐斷。望刹碎佛祖。玄關斷衲僧。命脉只知是烏頭
子。之的孫。豈知自拈賊之遠裔。儀相現在。面目凜然。
雖然如是。看取山僧。重爲點出。金剛眼睛去也。以筆
點一點云。左八兩。右半斤。神光爛爛。爍亂乾坤。
栢巖禪首座出世。往生院付衣。黃梅夜半。雞足峯前。
將錯就錯。迦代相傳。提起衣云。當陽分付。無回互。一

片香雲搭半肩

建仁禪寺語錄終



何少金

七五

Table with 2 columns and 10 rows of faint text. The text is mostly illegible due to fading and bleed-through from the reverse side.

八

